

醫統元脈全書



證類活人書卷十七

無求子著

腰痛門

兩腎本體自虛之脈與形証 背駝腰曲酸疼無力行
立艱難其脈微弱而濇此老年精氣不足髓枯骨萎
之症 或久病之體或病後虛人或房勞多慾症必
腰膝無力悠悠隱隱酸軟而痛嗜臥懶坐步立不勝
腰中喜煖脈必濇弱無神或空大搏指

腎虛治法

老年虛弱專于填補若病後房勞更宜溫

補而虛熱盛者尙宜滋養

腎虛亦分寒熱二症脈如沉細無力小便清利宜補

其陽脈大無力虛火時炎膀胱虛熱便短而數者宜補其陰

腎虛主方

杜仲

三錢

當歸

二錢

人參

黃芪

一錢五分

白朮

牛膝

各一錢

川芎

五分

水煎空心午前服

腎氣虛以參芪朮益之血脈虛以芎歸補之精虧力

弱以杜仲牛膝壯之

經脈不通而痛甚者加羌活

一錢獨活五分以引導之

氣虛氣滯閉而不通者

加補骨脂獨活各五分木香三分去芫木 血枯脈
閉者加熟地二錢枸杞一錢五分川芎五分去白木
腎氣虛寒腰窩作冷喜得暖熨者加肉桂獨活各
五分已上元氣虛寒者服青娥不老丸精血虧者滋
陰百補丸 如腎陰不足虛熱甚者加知母一錢車
前黃柏丹皮各五分去芫木服滋燥丸或濟陰丸婦
女服調經濟陰丸

青娥不老丸 男婦氣血兩虧精力衰疲轉側屈伸不
利坐立行步艱難此藥有溫腎填精活血潤燥之功

早晚白滾湯或淡鹽酒吞服四五錢

杜仲

補骨脂

胡桃仁

各入兩

牛膝

四兩

蜜丸照前服

滋陰百補丸

見內傷門勞煩內傷條

滋燥丸

見脇痛門

濟陰丸

見血門吐血條

調經濟陰丸

見發熱門鬱熱條

兩腰實痛之脈與形証

腰膝無力綿綿作痛畏寒就

熱肢體酸疼似乎虛寒而脈獨浮弦或弦緊者風寒

外襲也 乍痛乍止心煩躁熱頭昏口渴小便熱澀
其脈浮數無力者暑熱所侵也 腰窩重着屈伸不
利隱隱而痛天寒陰濕轉甚脈來濡軟而微滑者濕
邪所感及濕痰留碍也俯仰轉側不利談笑呼吸牽
痛其脈沉弦或沉緩者閃肭脞氣所使也 死血瘀
積日夜爲痛手不可按按之愈甚目黃溺赤微寒乍
熱脈多芤澀而數或沉弦而數者跌打損傷之故也
兩腰實痛治法 寒以溫散暑用分清濕以升陽除濕
痰以燥濕行痰挫氣必于順氣活絡外傷定先消瘀

活血

兩腰實痛主方

當歸

二錢

羌活

澤瀉

各一錢五分

川芎

延胡

各一錢

獨活

蒼朮

各五分

肉桂

三分

水煎空心午後服

凡痛必由氣滯而血凝血凝則絡閉絡閉則經脈不通而痛右方耑于順氣活血爲通經止痛之要藥

外感風寒則加防風一錢五分去澤瀉內服祛風越

婢酒外熨雷火針 暑熱所侵加乾葛一錢五分香

茹一錢黃連五分去延胡肉桂 濕痰凝著加半夏

三錢苡仁二錢陳皮一錢五分去延胡當歸內服導

痰丸外用摩腰紫金丹或萬靈膏或蠲痛膏 閃腰

挫氣加枳殼一錢木香五分服溫筋活絡丹 瘀血

積滯加紅花桃仁一錢五分肉桂三分去澤瀉羌活

服和傷拈痛丹或溫經活絡丹

祛風越痺酒

見中風門
中經條

雷火針

見中寒門

摩腰紫金丹 風寒濕三氣而兼痰飲留滯于經絡血

脈之中閉塞不通而痛以此塗于患處外加萬靈膏貼之

附子尖

烏頭尖

南星

各二錢五分

雄黃

樟腦

丁香

各一錢五分

吳茱萸

肉桂

硃砂

乾薑

各一錢

麝香

二分

密熬蔥汁

和丸如雞豆大每丸以薑汁化開敷患處上貼萬靈膏或蠲痛膏

萬靈膏

男婦風寒濕痺遍身經絡骨節酸疼跌打損

傷閃胸挫氣心胸腰背攻刺爲痛能補能行專理百

病

羌活

防風

秦艽

蒼朮

獨活

白芷

草薢

官桂

天麻

川烏

草烏

乾薑

當歸

木瓜

川芎

牛膝

防己

薜荔

風藤

半夏

前胡

枸杞

南星

虎骨

白茄根

麻黃

蒼耳子

高良薑

晚蚕沙

葳靈仙

五加皮

玄胡索

川續斷

紅花

桃仁

蘇木

枳殼

丹皮

骨碎補

烏藥

鬧陽花

綿花子

二物倍用
餘各等分

麻油熬炒

東丹收起冷加細料香藥

五靈脂

鴉片

血竭

木香

乳香

沒藥

冰片

麝香

治癰加入

阿魏

雄黃

凡用先以

生薑擦過貼貼後以炒熟艾或炒麩皮熨之

蠲痛五汁膏

寒濕氣襲于經絡血脈之中為痛痛于

兩臂股腰背環跳之間以此膏烘熱貼上追出濕氣
水液自愈

鳳仙梗汁 老薑汁 蒜汁 蔥汁

萐汁 五汁各等分熬至滴水成珠用草蓆

子油同黃蠟收起聽用

溫經活絡丹

見內傷門
外傷條

和經拈痛丹

同前

疝氣門

五臟五疝之脈與形証

肺疝者或爲風寒深入肺俞冷飲寒氣直達肺竅本
經元氣素虧復爲寒邪所襲初由聚而不散漸至積
而成疝蓋肺症有三一曰肺痺痺者閉也閉而不通
似喘非喘咽隘不利者痺也二曰息賁乃肺
氣膈滿不能下降日久月深胸中似有物碍氣道不
利語言因之寒澁者息賁也非疝也三曰肺疝疝則
較前二症不同鼻息粗暴呼吸短促胸膈與雲門中

清人書 卷一
府之間梗塞爲痛者疝也其名有三爲病亦不相遠
惟氣口脈弦急有力者當以疝治

心疝者心氣久鬱不舒積而成疝正氣日衰結聚日
盛稍有感觸窘迫而痛如割如裂痛則四肢厥冷汗
出如浴左寸關沉而弦急者虛寒之疝也弦濇而數
心煩嘈雜而痛者陰虛內熱而氣鬱復兼火化也

脾疝者其濁氣自下逆上連噎不寬脹滿作痛痛則
嘔吐清水或苦水痰涎之類其脈兩關弦急者爲實
沉滑者爲虛

肝疝者陰囊赤腫堅硬而痛痛連兩胯小腹之間以厥陰之絡絡于陰器也右關尺弦急而數兼有寒熱外症此濕熱之氣無由疎泄傳爲囊癰也若婦人則有小腹脹痛兩胯間大筋偏墜及痛連腰胯者甚有肝氣下陷戶中陰挺突出爲痛者濕熱下陷傳爲陰戶掀腫發癢甚則生虫臊臭凡此皆肝家積氣所化猶男子之疝者也其脈左關尺亦有沉弦而數或弦急而數者

腎疝者大多縱慾房勞之人裏氣先虧寒濕之氣得

以乘之積久成疝其痛自腰腎下連陰莖小便兼之
淋濁艱澁其脈微而濇或沉細而濡軟

五疝治法 肺疝以辛散之以苦順之所爲分清也心
疝寒者治以溫散之劑熱者兼補兼清脾疝專于溫
散若濕熱甚者必先化濕理痰肝疝必須升清利濁
分清濕熱之氣腎疝當于溫補之中佐以分清之藥
後方通治五疝可以對症加減然更以古人之七疝
參酌爲治尤爲詳盡無疑

通治五疝主方